



POZIV MEDIJIMA

Sarajevo, 23.11.2013.

Broj:140/ 13

Dodi i podrži GLOBALNU KAMPANJU 16 DANA AKTIVIZMA
Početak GLOBALNE KAMPANJE 16 DANA AKTIVIZMA PROTIV NASILJA NAD ŽENAMA
Fondacija CURE obilježava uličnom akcijom u ponedjeljak, 25.11.2013. godine ispred Katedrale (centar Sarajeva) sa početkom u 12.00 sati.

Fondacija CURE organizuje uličnu akciju povodom prvog dana Globalne kampanje 16 dana aktivizma i Međunarodnog dana borbe protiv nasilja nad ženama. Na uličnoj akciji ćemo predstaviti performans sa siluetama (žene i djevojke koje su ubijene od strane partnera i supruga) u cilju prevencije i informisanja građanstva o nasilju nad ženama, djevojkama i djevojčicama koje se dešava širom BiH, te ćemo podijeliti edukativni materijal vezan za nasilje nad ženama, djevojkama i djevojčicama.

Uličnom akcijom ćemo također najaviti događaje kojom će Fondacija CURE obilježiti kampanja 16 dana aktivizma, dati osnovne informacije o kampanji, njenim ciljevima, historiji i potrebi da nastane i opstane 16 dana aktivizma protiv rodno uslovljenog nasilja.

Nakon konsultacija sa aktivisticama/ima, organizacijama i eksperticama/ima iz cijelog svijeta, kao jedna od ključnih struktura koja proizvodi nasilje prepoznat je militarizam.

Međunarodni dan protiv nasilja nad ženama, odlukom Ujedinjenih naroda obilježava se u znak sjećanja na dan kada je 25. novembra 1960. godine sestre Patriu, Minervu i Mariu Teresu Mirabal u Dominikanskoj Republici brutalno dao ubiti diktator Rafael Trujillo.

Studija o rasprostranjenosti i karakteristikama nasilja nad ženama u je BiH pokazala da će svaka druga žena u toku života doživjeti neki oblik nasilja, bilo ono fizičko, psihofizičko, seksualno ili ekonomsko, navodi se u 4. i 5. periodičnom Izvještaju o stanju ravnopravnosti spolova u BiH. Podaci su djelomično tačni i zapravo umanjeni jer većina nasilja ostaje neregistrirana, a nasilnici su osobe svih profesija i socijalnih struktura. Braniteljice/i ženskih ljudskih prava, mirovne/i aktivistkinje/i, zagovaračice/i ljudskih prava, feministkinje/i, mladi/e, stari/e, širom svijeta, progovaramo protiv svih oblika nasilja i obavezujemo se na poštovanja vrijednosti ravnopravnosti i mira.

Svake godine, globalna kampanja se vodi pod temom, a za međunarodnu temu kampanje 16 dana aktivizma za 2013. godinu izabrana je:

***Od mira u domu do mira u svetu:
Osporimo militarizam i okončajmo nasilje nad ženama!***

Za više informacija, molimo kontaktirajte CURE ured na 033 207 561 , ili pišite na vedrana@fondacijacure.org

Dobrodošli/e!
Vedrana Frašto
PR Fondacije CURE